


禪林僧傳

二

庫文閣内			
四	八〇七	和	書
函			
二			
架	冊	號	類

庫文閣内			
九	八〇七	和	書
〇			
函			
架	冊	號	類



龍湫

夢窓

清谿


無極

綿谷

鹿王院記

横川

内閣文庫	
番號	和 18017
冊數	8(2)
函號	190 68



禪林僧傳二

佛光禪師塔銘

真容圖師塔銘

真容圖師塔銘

真容圖師塔銘

真容圖師塔銘

真容圖師塔銘

真容圖師塔銘

真容圖師塔銘

真容圖師塔銘



禪林僧傳二

佛光禪師塔銘

夢窓國師塔銘

同 碑銘

前聞紀 無極


鹿王院記

龍湫和尚行實

清谿和尚行實

綿谷禪師行狀

橫川小傳



天龍開山持賜夢窓正覺心宗國師塔銘 并序

前瑞龍山大平興國南禪禪寺住持四明沙門

永璵撰

國師示寂後三年嗣子妙葩具師行實請予曰先
師窆堵得銘以昭後世可也予辭以不敏退念國
師有懷遠人之德奚可辭當銘其塔序其事而伸
之以義自佛鑑無準範禪師大弘破菴之道佛光
無學元禪師北磻之子嗣佛鑑之法附舶東來大
振厥宗傳之佛國高峰日禪師繼之者師也名稱
普聞為三朝帝者師累降 手勅加錫前號師乃

勢列源氏，宇多天皇九世孫，其母禱觀音夢金色光西來吞而有娠，懷十三月始誕生，時祥光滿室，鄉閭異之。四歲喪母，九歲父携詣平塩教院出家，穎悟過常兒，經書過目輒誦，其於佛乘殆夙習也。十歲誦法華七日，以報母恩，自繪死屍九變之相，獨坐觀想，至十八為僧，禮慈觀律師受具戒，師神觀高邁，始學顯密教，三年知不足以發明大道，乃建修期道場，百日以求聖應，期滿餘三日，座中恍然如夢，有僧引入一寺，師顧問，引僧曰：「此寺何名？」答云：「踈山。」又引至一寺，復問何寺，答云：「石頭。」有一

長老出迎，携一軸度與師云：「汝善奉持，展視乃建曆半身畫像，既寤，決志參禪，後改名踈石字夢窓，抵京依建仁無隱範公，遂具徧參之錫，至相之目福，又依圓覺桃溪扣問勤確，一山翁來，主建長一見深器之，令歸擇木寮，職罷之，奧列圓福寺，寺傍有法師講天台，觀師日往聽，深知其義，融攝諸部，昭揭一乘，每朝焚香遙禮，一夕禪寂，忽宵中洞然明白，自此聰敏，智辯無礙，期進道業，倏懺七日，感菩薩見聖相，乃以已事未明，特扣一山於圓覺，一云：我宗無語句，亦無法與人，師曰：和尚慈悲方

便山云也無方便也無慈悲如是三返佛國住萬
壽特往咨決國問圓覺有何言句試舉看師曰只
道我宗無語句亦無法與人國杙聲云何不道和
尚漏逗不少師於言下有省乃辭別歸隱寸陰金
玉次志大猷嘉元乙巳夏五一夕坐久偶作倚壁
勢忽倒去豁然疑情頓息心眼洞明冬往淨智禮
佛國鼻問之問機智密契佛國大稱賞始印可之
又辭往甲別常牧山德治丁未佛國付以頂相及
佛光之衣有法語一山翁在玉雲菴師往別以長
偈餞之皆載別錄聞佛國歸雲巖往覲又以佛光

所與書囑之意甚篤乃回甲別龍山菴居遠人煙
三十里佛國主巨福招師住上野長樂師力辭到
濃列長瀨卓菴古溪因建觀音殿名聞于外參學
問道者日至思欲深隱未暇佛國計至設祭表誠
都元師母覺海文人聞師道行欲請一見師竟入
五臺山縛菴名吸江覺海菴使者與別使至師潛
身海島使者家曉戶告知不可隱遂隨緣而出覺
海力欲以雲岩延師乃固辭於三浦卧龍山造洎
船菴杜門謝容山巔建一浮圖又往上總作退耕
菴正中二季師年五十一南禪虛席後醍醐天

皇特降旨請師稱疾不起復罷又降勅遣宮使及樞府官必欲應命師無奈入內見帝帝賜座奏對稱旨帝大悅師乃啓奏曰某誓欲隱居養素出世非所願乞歸山問帝曰朕請師來此只欲朝夕問道耳師知上意不可逆八月二十八日奉旨領寺事每月內三日上萬機之暇咨詢法要明年七月都元師以壽福遷師不就八月槁退鼓道經勢剌開山善應復至相城樞府以淨智起師辭不獲免乃兼命夏終退歸錦屏山作瑞泉蘭若元德元年秋公命請師主圓覺不從寺衆至

懇請再四乃往其於說法供衆修造三者備矣二年秋潛歸瑞泉一衆追至師避不能說偈以見志乃止牧莊羽川太守道蘊請開山慧林元弘改元帥府請師居建長力辭舉峻崖以自代二年開山瑞光三季後醍醐天皇復歸于洛京降宸翰召師入見悅甚有旨以第二子都督親王之邸為臨川禪院特賜夢窓國師靈龜山臨川禪寺開山初祖建武元年秋后崩上留師禁中二七日罷政問道九月望請師入禁為受衣說戒執弟子禮上一日從容謂師曰朕欲興禪宗師意為何

師曰金口無虛言。上意再欲師住南禪，辭以老病。上意益堅，乃再住。近臣多毀禪宗，奏令禪徒無故再興，何益之有。上以斯言語師，以自性三寶實相三寶之語，分折部判，奏對語見別錄。上欲驗師行事，及欲見禪苑之規。十一月二十八日，百官扈駕入山，至佛殿祝贊罷，就方丈講道。至夜半，上親巡堂，見僧衆禪寂，喜甚。次早請師入室，罷齋鼓鳴。上又至雲堂，觀行衆僧食，寂而不譁，禮樂具舉，齋退上堂祝聖，頭首裒上，乃勤容益加敬師，則謗言不入矣。因見僧齋淡薄，特賜莊

田，以加僧供。師因年邁，退居臨川。建仁請師不赴。曆應二季，將退臨川，書家訓以誠諸門弟子。接列太子草西芳教苑，作禪院，請師主持。師忻然而往。日暮西山，亮座主之風有年矣。今得遂吾願，建一閣，曰無縫，以水昌寶塔奉安舍利一萬顆於其上。搜奇顯秘，蟠松恠石，珍菓異花，雜然繁茂。遊觀行樂之處，禪寂憇止之廬，必備焉。鑿池引泉，築堤植柳，泛舟於蓮漪之上，避暑于橋亭之中。湘南潭北，軒窓對峙，琉璃殿裏，四面清漣，去弊興廢為之一新。師疇昔之夜夢，後醍醐天皇作沙門乘鳳輦。

入龜山行宮八月十六天皇仙去征夷大將軍奉
勅於行宮為天皇建追修道場詔累降師開山
名天龍資聖禪寺遂與夢叶阿剌大守和氏請開
山補陀康永元年春太上天皇駕幸西山受衣
戒申弟子之儀四月望兼住真如三年正月初二
日夜夢八幡大菩薩來衛法龜山乃建祠于寺
尤自曆應二年至真和元年六載之間天龍寺殿
宇成帑庫寶從山門至法堂方丈廊廡厨庫庖湍
宜有者皆具休焉寺後山巔又建塔以鎮風水八
月太上天皇臨幸省樞二府官寮畢集為後醍

醐天皇七年忌賜金襴紫衣師對御陞座二星
降于庭如白月說法罷乃隱二季春退飯雲屋菴
蓋効雲居佑禪師作三塔遂名焉嗣子無極志玄
奉旨補席十一月二十五日上召師入內受衣
講師資禮特賜奎章加夢憲正覺國師四年歲
殿成師為佛國三十三年忌乃轉輪藏建傳經大
會甚有異事見別傳觀應元年二月八日兩皇
國母皇后宮妃請師於仙洞各受衣孟二年師七
十七歲每誡徒曰吾世壽止此今上為先皇
建此道場惟僧堂未完當力為之四月植柱七月

開堂百日畢工可謂速矣且完整明敞可容衆七百無極退閑七月二十日為一十三年上賓之辰奉旨再住齒益高道益隆學者雲趨而至僧堂新成力行褻規聲振朝野八月十五日木上皇特賜手詔曰道振三朝名飛四海主天龍席再轉法輪秉佛祖權數摧魔壘表師資禮往年已受袈裟慕釋氏風今載又添法號追思吳山遺囑之切特賜夢窓正覺心宗國師十六日國忌就多寶院陞座說法滿散次早辭衆皈臨川三會院十八日降綸旨及樞府公劄命予入院人事畢乃往師

所候訊師雖示微疾見予甚喜與語寺之詳畧大体奉宗門二十四日普為僧尼士庶求受衣盂者二千五百餘人皆與改名付衣授戒九月初一日告門人曰吾行必矣有所疑者可問焉衆集師為入室終日不倦開示隨機啓迪皆充然有得焉朝廷遣國醫至師曰我病非醫藥所能治者先兩回地動及西芳山崩是其徵也初七日兩太上皇親臨問疾師謝恩說法十九日再幸寢室雖曰病中酬答無少怠二十七日永瑛往問安師對坐茶話又啖雪梨特與手書為予臨老養閑之所使

公府謀之、無違我語、囑以寺務、述永訣之懷、使人
哀感無已、二十九日乃書遺誡十數條、付門弟子、
又書遺偈、以寄大將軍、伸不能面別之意、囑令外
護復書辭世頌、三十日粥罷、集兩山之衆、告別、怡
然而逝、顏色不變、于時白氣一道、橫貫正寢、緇素
二萬餘、哀慟不勝、門人奉全身、塔于三會院、分在
日所剪爪髮、舍利如粟、塔于雲屋、遵遺命也、師生
於建治乙亥、示寂、于觀應辛卯、僧臘六十、經涉入
朝、嗣法弟子二十餘、負前天龍無極志、玄其上首
也、度四衆弟子、具名于籍者、凡一萬三千餘、師操

堅松柏、戒凜冰霜、義觀精深、慧學淵博、志欲隱居、
無應世之意、迫於朝命、勉強從之、其於捉麈談禪、
學徒景附、天下叢林、罕有儔者、至如扶宗樹教之
功、摧邪顯正之力、天鑑照臨、人心悅服、道尊德備、
福慧兩全、臨滅之際、晶明如此、蓋平生所履之驗
也、姑序其大槩、詳載年譜、乃為銘曰、
猗歟國師、具戒定慧、佛國之扁、佛光之裔、
法法全彰、言言見諦、德重三朝、道尊一世、
對御說禪、聖心玄契、嗟彼末流、匪師孰濟、
力扶宗綱、將墜之際、言為法城、身為律制、

摧魔去惡 起廢除弊 揮塵肆辯 䟽次壅滯
八廸開山 金碧鮮麗 謂師滅度 太虛受翳
謂不滅度 雲開天霽 日月循環 東湧西逝
瞻彼窣堵 神龍爾衛 勒銘千石 何千百歲
子子孫孫 繼繼繩繩

文和三年甲午歲十一月 日身塔小師比丘妙葩立之

日本國天龍禪寺開山夢窓正覺心宗普濟
國師碑銘

共惟大明皇帝執金輪以御寶曆聲教所被與如
來化境相為遠迤乃共武八年禮七月日本國遣
使者來貢方物考功監丞華克勤奏曰日本有高
行僧夢窓禪師其入滅已若干年而白塔未勒銘
其弟子中津法孫中巽有慕中華文物之懿特因
使者而求之然人臣無外交非奉勅旨不敢遽從
所請拜手稽首以聞皇上欣然可其奏特詔詞臣
宋濂為之文濂按其弟子住持善福寺周信牒云

禪師諱智曠姓源氏勢州人宇多天皇九世孫父
某其母某氏無鬪默禱觀音大士夢吞金色光而
孕歷十有三月始生有祥光盈室之異九歲出家
依平墟教院以居授之群書一覽輒記暨長繪死
尸九變之相獨坐觀想知色身不異空華慨然有
求道之志十八為大僧禮慈觀律師受具足戒尋
學顯密二教垂三年末久然恐執名相建修期道
場以求玄應滿百日夢遊中國陳山石頭二刹一
厖眉僧持達磨像授之曰尔善事之既寤拊髀歎
曰洞明吾本心者其惟禪觀乎遂更名踈石字夢

憲謁先隱範公於建仁寺繼至相剎巨福山山之
名院曰建長緇錫之所萃止時一山寧公主之十
小見師甚相器重令為侍者朝夕使於咨次俄出
遊奧列有講天台止觀者師往聽之且曰斯亦何
礙實相乎自是融攝諸部昭揭一來之旨辨才無
礙然終以心地未明張然若無所歸荐修懺摩
法期至七日感神人見空中益加振拔時一山自
建長遷主圓覺寺師復蓬累而往備求法之意至
於涕泣一山曰我宗無語言亦無一法與人師曰
願和尚慈悲方便開示一山曰本來廓然清淨雖

慈悲方便亦無如是者三反師疑悶不自聊結跏
澄坐視夜如晝目絕不交睫久之往萬壽禪寺見
佛國高峰日公叩請如前高峰曰一山云何師述
其問答語甚悉高峰厲喝曰汝何不云和尚漏逗
不少師於言下有省辭歸舊隱常牧山唯分陰是
競誓不見道不止嘉元三年夏五月一夕坐久偶
作倚壁勢身忽仆去師豁然大悟平生礙膺之物
氷解雪融心眼爛然如月佛祖玄機一時燦破乃
作偈自慶有等閑擊碎虛空骨之句亟見高峰求
印可高峰喜溢顏面囑曰西來密意汝今已得之

善自護持出其師佛光無學公手書一通俾之以
寓相傳付囑之意師回栖甲州龍山菴高峰招住
上野州之長樂寺師力辭卓菴濃列古溪都元師
平公某之母覺海夫人某氏慕師有道欲一見之
師竟入五臺山縛吸江菴既而趣入海嶼夫人遣
使索得之俾出世雲岩寺師復辭攝泊船菴於龍山
退畊菴於総州有終身丘壑之志正平二年
師春秋五十一國主後醍醐天皇命官使起師領
南禪寺入見王賜坐師自言志在煙霞出世非
所願王曰吾心非有他欲朝夕問道耳不得已應

命王時幸臨之、相與談玄、竟日乃去、將及期、王孫位、師又引退、道經勢州、會新建善福寺成、延師開山、未幾棄去、抵相州、樞府群公逼主淨智寺、尋歸錦屏山、營瑞泉蘭若、元德元年、圓覺四衆必欲致致師、為勉彊一出、又復棄去、二年羽州守滕道。初創慧林寺、迫師莅其事、元弘元年、達官貴人又有以建長請師者、師復辞、二年瑞光寺、援善應故事、求師為第一代、三年王既復辟、召師入見、以介子都督親王之邸、更為灵龜山臨川禪院、命師為其長、賜以國師之号、建武元年秋、王妃薨、王留師

宮中二七日、罷政而誦法、目請師宣說大戒、執弟子之禮、彌謹及还、強師再入南禪、王親率群臣至山、見僧侶入禪定、秩然有序、次第行食、靜而不譁、王悅、師升坐提唱、音聲洪朗、辞意警策、王愈喜、給腹田若干畝、以飯僧、先是、近臣有毀斥禪宗者、王舉問師、以自性三寶、何必強生分別為對、王已信之、至是、益知禪學為貴、謗言無自而入、忽退處魁率內院、而建仁禪寺、又欲逼起之、師笑不奮、曆應二年、攝州守某、草西方教寺為禪、貪言、非師無以厭衆望、師振錫而往、舉揚達磨氏之道、聽者改

容為建無縫閣以水晶瑠塔安置舍利萬顆其中
宛若奇騰之地多冠以亭榭以憇四方遊士規制
粲然可觀師夢王作沙門相乘寶車往昇龜山已
而即世征夷將軍源公某造天龍資聖禪寺以助
冥福聘師住持遂與前夢協阿列守某新立補陀
院師亦俯徇其意為之說法即還天龍康永元年
春光嚴天王親往受戒願為弟子三年建八幡菩
薩吳廟於寺側貞和元年王復師群臣來聽法敷
宜之際有二星降于庭光如白日賜以金襴紫衣
二年春令弟子志玄補其廬退歸雲居菴冬召師

入宮加以正覺之号觀應元年春兩宮國母請師
於仙洞受五戒二年春師謂左右曰天龍宮室幸
皆就緒唯僧堂猶缺當力為之堂成可容七百人
延議童師名德復強師入天龍師行百丈清規聲
振朝野王遣使復加心宗普濟之號且遺以手書
其畧有曰道振三朝名飛四海主天龍席再轉法
輪兼佛祖權數摧魔壘國中以為榮師以年高又
復引退免率內院九月朔召門弟子曰吾世壽七
十有七僧臘亦六十矣且夕將西歸凡有所疑可
頻叩焉於是集坐下者如雲師隨機開示皆充然

有得而去。越七日，示以微疾，兩宮荐臨，問起居。師為陳攝心正旦精神不少，表至二十九日，遺誠授門人，作偈別大將軍源公，囑令外護，復書辭世頌一首，三十日鳴鼓集衆告別，備然而逝，顏色不變。時有白氣一道橫貫師之寢室，黑白二萬餘人皆哀慟不能勝。以某年月日奉全身塔于內院之後，分存日所剪爪髮，瘞于雲居，髮中累生舍利云。其嗣法上首天龍曰志玄曰妙葩，建長曰慈永，南禪曰通徹，日周澤等持曰妙快，所度弟子載名千籍者一萬五千有餘。師儀觀高朗，慧學淵深，舉揚

正教如密雲廣布，其雨頻澍，凡具生性者隨其根器，小大皆獲成就。上自國王宰臣，下逮士庶，無不頂禮敬信，允所蒞止。如見七佛出世，香華供養，唯恐或後，故管領源公賴之，嘗與人言曰：我從先人聽國師劇談佛法，頗達真乘，遂能死生如一。臨事不懼，而先人竟死於忠，吾亦知委身以事君者皆國師化道之力，由是而覩師之道，非特究明心學，實是增夫世教重。况其內外之功，兩得祛縛，黏起廢補，壞以安輯，清淨海衆人患，不能有其一師，獨兼之。然其抗志高明，視榮名利養，澹若無物，唯

欲栖身林泉，屢典大刹，皆迫於王命而起。世所稱
大善知識者，非師孰能當之。於戲！宋南渡後，傳達
磨氏之宗於日本者，自千光禪師榮西始。厥後乘
學元公以佛鑑範公之子，附海舶東游，大振厥宗。
高峰纂而養之，師為高峰之遺胤，益有顯於前烈。
重徽墨照，光于海東，止惡防非，有裨朝政。切用丕
闡人思，弗忘。濂曰：奉勅撰文，畀中津等歸鐫樂石，
以見佛性無內外。皇化無遠迤，昭示千載，俾勿壞。銘曰
達磨之學，傳至真丹。一華五葉，其支寢繁。
臨濟名宗，昭於佛鑑。有子如龍，乘桴東汎。

海東有國，梅干扶棗。民淳俗陋，環水為疆。
膜拜奉迎，若佛之至。四衆聞之，其從如吏。
伊誰繼之，心鏡兩融。日出高峯，海水皆紅。
金光見夢，長虹不滅。篤生異人，丕昭先烈。
何文不搜，何義不求。孰授厥衆，截斷衆流。
其心張，有淚如霰。感彼神人，白晝而見。
本來清淨，一法實無。疾馳索首，非迷即愚。
一唱之中，真灵獨露。朗月中天，甚色純素。
我歸我山，與雲往還。豈意聲華，落彼世間。
文采一章，疇不歆慕。鉅利名藍，非佳而佳。

說法于座	緇素共聆	天見祥徵	二星墜庭
百廢具興	我敢用逸	瑤華樓閣	重 <small>一</small> 堦 <small>率</small>
上自君公	下逮黔黎	誓首作禮	如天人師
屢出屢退	泊然無礙	終與實相	不相違背
吾緣垂盡	預告化期	尔毋懈怠	來質所疑
遺誠諄々	續佛惠命	言已即化	若入禪定
覺昭至圓	体性本空	生滅不二	唯道之從
若見若聞	同喪考妣	法幢既摧	大衆何倚
孰為佛乘	孰為衆生	縱有言說	皆是強名
勒此塔銘	龜趺螭首	焯德叙切	以示不朽

洪武九年二月日翰林學士兼旨嘉議大夫知
 制誥兼脩國史兼太子賓善大夫金華宋濂奉
 勅撰

右載宋學士全集三十三翰苑別集三

前聞紀

天龍第二代佛慈禪師者名志玄號樂極門城人

順德天皇四世之裔生干弘安壬午父幼謝親師某親王曰四過宮

安部願成海和尚即兀菴高十三祝髮具戒往浴弟南州也

東寺習密教棄依大智海無為元禪師於惠峰元

一見器許之師偶同諱因改令名未幾元遷相之

圓覺師隨往俾侍客時年自此歷試清要不離瑞十九

鹿而海東法窟言宏覽博物者必以師為稱首焉

後醍醐天皇元德年中夢窓國師遵元師平公命

來居此山一日為衆誦經師負罔不之顧師少國師七歲

猶為人惑。慙云：長老雲岩正傳語論多妙，何不為之一聽耶？師不得已，詣方丈。國師素稔師名，延之上坐，與語機契，遂擢表率多衆。又私約曰：老漢單丁者久，踈於禮數，它後有嘗寶坊，煩公御衆，師諾之。會東勝虛席，平公以禮請開法，不就。元弘三年，天皇以第二子都督親王之邸為臨川禪院，賜國師為初祖。建武改元，國師再住南禪，寄書招師。至則復為第一座。三年丙子，國師謝夏居臨川。四年丁丑，命師繼席。師年五十六退藏三會，因傳先佛國所授佛光師祖鎖口訣。

佛光跋語曰：右鎖口訣，老夫在大唐鴈山，兵難中作也。每見參同契，妙絕今古，吾一讀三嘆，不已，不敢並古，追前聖遺踪，聊述吾云。時弘安九年七月廿五日，學翁書于得月樓。

曆應已卯秋八月，吉梵上皇仙去，征夷大將軍源公奉勅於龜山行宮，建追脩道場，名天龍資聖禪寺。請國師開山，貞和元年乙酉八月某日，仲慶讚之儀，勅使入山，特賜金襴紫衣。二年丙戌春，國師告退歸雲居。東菴師被旨補庭國師付七庭說法之衣，且曰：師資之義，不必表襮。

佛日先師曰、正覺祖翁既將天龍供艱衣、并坐
具付老和尚、又翻然曰、金襴朝廷所頒、宜鎮山
門、請換以老僧七處說法之衣、是吾家舊物也。
乃佛國襯衫為地、佛光直裰為畦、裁成一頂者、
加以無準環焉、唯坐具則可留以副之矣。嗣法
之義、令者不要說、以死先後、互相證擬、尔老和
尚奉勅宣補處、又輟侍衣、祖令以侍之、所謂七
處、蓋南禪、淨智、圓覺、惠林、臨川、天龍、真如等也。
而人謂將金襴衣換鎖口訣者、剽聞之過也。老
和尚住臨川之初、已傳鎖口訣矣、換金襴底、即

七處衣耳

三月廿又七日開堂、正覺躬臨證明、而師不拈嗣
香、提綱語云、萬機不到處、三世諸佛、飲氣吞色、一
句全提時、六代祖師、如聾似啞、南禪、蒙山和尚白
槌、抗色稱善。師年六十五

慈濟事物紀曰、真和二年丙戌、三月廿七日入
院、前堂妙讓西堂、勅使竹林院、大納言公重、白
槌、南禪、蒙山和尚、靈村所製諸山、疏曰、諸山茲
審、無極和尚、大禪師、采膺宸旒、擢住靈龜山、天
龍資聖禪寺、開堂演法、歡動隣封、合詞從史、其

駕者也。右宓旨蔚平龜山。曩為姑射山人之洞。
儼若鷲嶺。偶現夜摩觀史之宮。輦路不聞警蹕。
之色。梵摩時震法雷之響。蟄^勢閑玉戶。名覆金甌。
龔惟新命堂上和尚大禪師。親炙前脩。力行古
道。凜冰霜於懷抱。不肯趨世而奔馳。忘歲月於
典墳。止能掩關而默究。遊戲不離大圓覺海。住
持莫慕臨川道場。來儀似瑞。凡九包。人爭快睹。
挽出為天龍二世。德不讓雄。撼碎中峰破沙盆。
撲滅圓照文武火。君唱陽春我。和白雪。幸分隣
壁之輝。主君虞舜。臣賢臯陶。願聽辦香之祝。謹

疏。貞和二年三月日。安國比丘至孝。真如比丘。
梵仙。萬壽比丘。宋照。東福比丘。丁鞏。建仁比丘。
友梅。南禪比丘。智明。

三年丁亥二月三十日。上駕幸天龍師陞堂祝
聖。上顧問長老世系國師具奏。上曰。聖胄也。召
對賜坐伴食。師六載住持。叢規并。正覺會裡龍
象。皆在座下聽法。此山西堂。如是。居板首。春崖首
座。智覺。居第二位。龍湫首座。慈聖。侍薌。默菴。善入。
掌藏。和尚。和尚。

事物記曰。貞和三年丁亥二月三十日。臨幸祝

聖上堂、後堂、龍首座、藏主周諭侍者、侍藥明應
上座、戊子十月廿七日、踐祚、觀應元庚寅侍容
應侍者二年、前堂士永西堂妙在西堂、燒香周
澤首座

其德膺俱高、可知矣、示衆曰、諸佛不出世、亦無一
法與人說、然迷妄衆生、造迷妄業、隨其業力、輪回
六趣、是以大權薩埵、修空華萬行、坐水月道場、降
鏡像魔軍、成夢中佛果、然後隨病施藥、遂有三乘
十二分教、如將蜜菓、換苦葫蘆、福智二嚴、只破空
有之習、淘諸人業根、而已生佛為之分矣、令時叢

林、說禪說道者、如稻麻竹葦、觀其舉措、多逞伎倆、
因茲後生、晚學、爭機鋒於梧、唱之間、且道、盲枷瞎
梧、能拔生死業、得麼、胡唱亂唱、能救生死苦、得麼、
豈不見道、參須實參、悟須實悟、如斯一統、絲一斬
一切、斬、然後向千聖仰望、不及處、拶出父母未生
已前面目、直是風凜、地方可稱為大解脫人、只
能如此、何憂不辨乎、又曰、祖師西來、直指人心、見
性成佛、初無委曲、然後來成弊、五家七宗、各立門
庭、互相提唱、葛藤枝蔓、無有了時、茲者本色宗師、
出興于世、雖救此弊、無處發藥、及不得已、拈出箇

生鉄團話頭與人東咬西咬諸人若也忽然嗟口
咬得破則不受佛祖騙惑全生殺於一莖草上空
今古於三寸舌頭是豈與十聖三賢所證之理同
日而較其得失者乎恁廣告報也是敗闕不於_於是
正覺諸徒以師辦香不為國師招_指疑其非師兄焉
同志以告_{即柳溪愚公也}且謀曰莫如繪正覺頂相求一
贊以息群疑師乃如其言國師時在西茅精舍駭
之曰長老忘前言否何至如此然亦喜動眉睫云
頂相乃周位侍者所畫贊云這田庫奴形醜心
愚其醜也者畫得太似其愚也者固匪可圖莫

謂丹青無妙手佛祖亦難以名模長老々々擬
向何處見於吾嘖天龍長老無極和尚繪余幻
質需贊已丑貞和元宵前三日西山隱子夢窓

疎石

觀應辛卯解制退席上堂曰拂柄提持經六夏為
人無法作聞熏如今山下藏踪跡不類別峰看德
雲先是正覺字於雲居西偏以為師佚老處扁曰
聚景師居焉

無已聖禪師聚景記曰我佛慈禪師乃本寺開
山國師高第也貞和某年月日梅踵補處而為

當山第二世也。祖翁稅駕雲居，宇於菴西偏，以
為先師他後佚老之處。命曰聚景。某年國師告
平將化，又委師以院事。某年當寺罹鬱攸之變，
灰燼之間，而岌然者惟雲居三塔。餘盡焚蕩，僧
侶萬指，星散無依。時門下之耆年大方之碩德，
會而議焉曰：凡在本寺，毋置前代之塔院者。閔
山之遺誠也。雖然，張而不弛，文武不能焉。夫有
為者，適變為善，何常之有。亦乃祖之意也。今以
安衆為急，不則具復與誰謀哉。故命前任持之
徒第，各營坊舍。吾徒首而受命，乃相攸於經藏

之南，多寶院北，而披榛經始焉。茲前將軍源公
出其第，故大休寺殿平生所奉戴之。舍利寶篋
曰：願依此，以為奉安之地。且為彼追忌。時住持
龍山遵而行之，命不可拒。後逾月，坊之將垂成，
將軍父子入山而視事，并諸山之名衲宿德同
來賀師，見為三會之主，而其日在此。賓主抗禮，
自來以舍利殿稱焉。然未有殿，且就干僧坊。每
月之廿六，大休寺諱日，合寺臨而墊修。明年師
示寂於三會正寢，遂以遺命藏慈濟之塔院矣。
逮吾嗣而還舍利殿号，則事勢也。原以聚景字

扁之則不忘本也。云、永和四年六月日、
是月廿三日、詔補南禪、固辭得免、九月國師將
唱滅、移師三會、委以院事、

事物紀曰、觀應二年七月十三日、受南禪請、辭

退畢、八月十七日、開山退院、十九日、東陵和尚

入院、九月廿七日、隨國師命、移三會院、晦日國

師示寂、又曰、文和甲午、重受南禪請、辭退畢、

三年壬辰、即南朝正平七年、南軍入洛春三月、奉 綸

旨、再住天龍、既望上堂、祝聖次、拈香曰、此香積年

囊藏、今日拈出、供養本寺開山夢窓正覺心宗國

師大和尚、用齠法乳之恩、便乃退間、

師語錄、天龍一指云、觀應三、正平七年壬辰、三

月九日、再入院、勅解由次官時經奉其 綸旨

云、住天龍資聖禪寺、可令紹隆佛法給者、天杰

如此、仍執達如件、正平七年三月八日、勅解

由次官判、無極和尚、

文和甲午、重詔董南禪、以老為解、允之、延文己亥、

仲春初、示微恙、十一日、門人呈肖像請贊、師口占、

授佛時為日、知藏曰、吾以十六日行矣、當書其日、

贊曰、貧是無極、嗔是無極、痴是無極、等分無極、

脚跟下事是何無極我屋裡人須着眼目延文
已亥二月十六

至期聚徒遺誠訖安坐而逝歸塔全身于慈濟壽
七十有八聞者傳為盛事策光帝時為太持謚

曰佛慈禪師

知覺國師為師七周忌就慈濟陞座散說曰共
惟真慈禪林寶鑑迷津慈舟戒潔於滄海之珠
性朗於碧天之月行解相應取重王臣宗說兼
通秉權佛祖語其惠則雖三藏十二部無不諳
論其學則至百家異道書亦博達蒞事無偏黨

故不令而行為物有慈有悲故不言而化辭重
命於北闕拒再請於南禪不是不出為高只圖
退藏供老明教尊僧篇所稱蓋於師不為忝竊
耳俗姓是順德天皇第四代聖裔我傳為連磨
木師三十二法孫是以先師門下齊仰老師猶
如靈山會上獨推迎葉爰化緣已畢一朝西歸
夫當于釋尊滅度諸賢聖僧衆忝受佛勅不取
涅槃各作世間惠眼群生不可謂失依所也况
當此末運先師滅後幸得老師於大廈棟梁後
昆無不托麻老師滅後吾徒何所賴乎若教類

下涓滄海也。須乾。雖然真淨界內。豈有去來。大
圓鏡中。幸垂慈蔭。又慈聖龍湫和尚拈香曰。針
芥相投。惟與先師有緣。衣盂密付。孰云老兄無
傳。故分座於南禪。圓覺而繼席於天龍。臨川從
主香火於三會。不出庭者九年。延文己亥仲春
十一。病中作肖像之贊。預先書亦寂之日。一字
字字。字中有眼。靈鑑昭然。一句。字句裏無意。
寂滅現前。東陵和尚撰雲居碑文曰。嗣法弟子
二十餘員。前天龍無極志玄。其上首也。大明宋
太史景濂奉勅所撰。正覺塔銘亦云。

師性粹夷。律身嚴潔。於書無所不觀。為宗鏡錄百
卷箋筆記三十卷。目曰色塵集。六載語要。号天龍
指。別有偈頌丹百首。聖教六十函。留藏雲居。

惠日圓應夢岩和尚以飽學自負。嘗闕之絕嘆
云。皆未見書也。

師誦藏經殆遍。天龍始鑄佛降誕像。其指天手。莫
識左右。遣使問師。曰。舉右手耳。但去藏殿探取
舍在某字函。某經第幾葉。檢之無差。

師時在臨川。德叟和尚為侍客。傳國師命云。余
按方廣大莊嚴經降生品。但云菩薩觀察四方。

固行七步而無分手之文。普耀經云：分手指天
地，作大師子吼，亦不言其左右。唯言字函，過現
因果經云：太子生時，隨蓮花上，無扶持者，自行
七步，舉其右手，而師子吼云：我於一切夫人之
中，最尊最勝。宜字函，佛本行集經樹下誕生品
及彩字函，款迎譜同之，而未句改云：天上天下
唯我獨尊。然不知當初所指，次在那琅函。
嘗有華嚴誦師，謁正覺於雲居，論難宗旨，往返數
四。國師引雜華文，證成其義云：豈非君家所談乎。
誦師非咲云：經中無斯言矣。國師未詰，師適侍坐。

颺言曰：閣梨祇知六十華嚴，未知八十華嚴。和尚
所援，實在新譯。閣梨自宗，且不會而欲測，教外別
傳之旨，大遠在。誦師憚懼而退，其臨機妙辯，率類
此。

按古華嚴，東晉佛陀跋陀羅譯，五十卷。或云六
十。新經，唐三藏實叉難陀譯，八十卷。清涼所疏
棗栢所論，皆新也。纂靈記所載，破地獄偈云：若
人欲了知，三世一切佛，應觀法界性，一切唯心
造。是華嚴夜摩天宮品，覺林菩薩所說。而舊譯
云：若人欲求知，三世一切佛，應當如是觀，心造。

諸如來豈此等文歟

初住臨川一日粥早師不展鉢首座以為不安候之師曰古規不云乎掌文見而喫粥老僧何病之有至今臨川曉鐘雖絕閑靜待明者師遺範也

四分律云明相出時即得食粥明相未出即是非時婆沙論云明相有三初日照鄰部樹身天作黑色二日照樹葉天作青色三日照過樹天作白色三色中取白色為正時須舒手見掌文分明始得食粥

師夜坐丈室終入瞌睡三昧即易位以警之謂龙

右曰智海住瑞峰那時我為侍司一宵與客聯詩困甚就寢過了五更禪頗為智海所訶從茲誓不蓄枕子師主三會凡九年日掃塔塵者三苜帚曰斯吾職分也雖將軍源公親詣請普說而祢疾讓人諸名宿過訪則送至門首以當回禮南禪東陵和尚致書云當今老尊宿如和尚惟魯靈光歸然獨存又能謙下如此東陵平翰蓋以身為舌說此此丘事能回古道之顏色者師有焉佛日先師在雲母日從容舉祖翁行業示余甚詳令追繹崖略證以當時諸老遺文名曰前齋記永源寂光禪師嗣

佛燈有師真贊曰皇室玉葉金枝叢林砒霜鴆毒
學海波瀾渺滌何曾留元字脚嗣天龍不旨天龍
果然起宗又越格靈龜孤頂太嵯峨歷斷須弥衝
碧落夫之謂高峯直下的骨孫佛慈禪師真面目
又鹿王國師之言曰先師門下齊仰老師猶如靈
山會上獨推迦葉慈聖和尚曰針芥相投惟與先
師有緣衣盂密傳孰云老兄無傳皆師實錄也惟
夫無學翁載圓照之道東來一傳為佛國高峯再
傳為正覺夢窓光明碩大冠映一時登其門者皆
人類精奇而師以天縱之姿獨當入室上首故傳

常照鎖口訣七處說法衣又開臨川天龍挽為第
二世看這兩著授受之際尤驗明白况乎死生不
容偽至其尅日示化則非踐履無玷者實難矣此
正覺之所以寄百斤擔子也歟噫烏得宗門之遷
固而光之青史以圖不朽矣哉應永戊戌休夏日
法孫徵或謹錄

覺雄山大福田寶幢寺鹿王院記

當寺院者、征夷大將軍准后左相、以蒙瑞夢之告、
建立之處也、多聞天王現居士、地藏菩薩化高僧、
語曰、今將軍福祿官位、建立伽藍者、必增長壽命
矣、相公作奇異想、翌日召拙老、語夢中事、便命山
僧、俾開此山、維時利劍飛掃妖氣、乃此建寺、以曰
興聖、且復開昭堂地、時野鹿現來成群、因名院、稱
鹿王、草造未幾、緋閣畫堂、王立廊腰、縵迴簷牙、高
啄人喚為浴外奇觀也、至德元年十一月、相公下
鈞命、改興聖号寶幢、至德二年二月、令寶幢禪寺

任十刹、同年三月、伸供養、相公命冊、刈太守一色、
令替固帶、劔革一百餘員、隨兵一百餘人、自揔門
入、而經西廊至殿前、直渡東廊、又出揔門外、即分
左右設敷皮、奉待御車、近時、退敷皮、躡居、是時
役者各出向、鳴大開靜、御車至揔門時、相止開靜、
於此、相公從御車出、御步行、令人進御先、舞樂奏
一奚婁、自山門頭、經舞臺之上、入佛殿、暫奏樂器、
時相公著坐于上間、次著坐于下間、公鄉者、關白
九條滿教公、太政大臣德大寺公俊公、左大臣二
條持基公、右大臣西園寺實永公、內大臣左大將

轉法輪三糸公光公、廣橋大納言兼宣鄉、左大將
一條兼良鄉、北畠大納言俊泰鄉、三條大納言公
雅鄉、洞院大納言滿季鄉、近衛大納言房嗣鄉、藤
中納言日野資家鄉、一條中納言實秋鄉、權中納
言裡尋地實秀鄉、日野中納言有光鄉、今出川中
納言菊亭實富鄉、又我中納言清通鄉、左衛門督
裏松義資鄉、菅宰相長遠鄉、藤宰相日野隆光鄉、
中御門宰相宣輔鄉、左大弁宰相日野行光朝臣、
別當勸修寺左衛門督經興朝臣、自是以下高倉
者殿上人
中將永藤朝臣、飛鳥井中將雅清朝臣、山科內藏

頭教豐朝臣、北畠中將隆盛朝臣、中山中將定親朝臣、中御門中將宗繼朝臣、白川中將雅兼朝臣、日野頭辨盛光朝臣、花山院少將后騎持定期臣、冷泉為之朝臣、廣橋宜光朝臣、坊城俊國朝臣、治長源持經谷著坐畢、時十誦僧聚揔門待導師來、導師南禪廷用和尚乘輿至揔門、全村首座宋遇藏主為侍者、聖恬首座祖范首座為禪客、隨輿後來、於是伶人復奏一奚婁、進導師之先、自山門經筵道入佛殿、而舞樂六對、一番萬秋、二番地、三番青海、四番胡鳥、五番陸、六番納曾、管絃、色盈耳、舞波

殿冷袖惱人、雖云天人伎樂、爭如是乎、舞止而後

導師赴殿、時十誦僧列左右而先行、侍者隨次挑燈

行者四人、持幡童子二人、導師執蓋、殿上人

兩列而行、次、侍者二人、兩禪次、十誦僧、五岳

次、執綱童子二人、客列入殿內長老五人、上列班十刹東堂、下列班其外東堂西堂、隨

圖立班、導師立中央、是時出班燒香、次維那復出、問訊

導師問訊而歸本圖、導師上香、次維那復出、問訊

十誦僧、五岳東堂、各一列、上香、次十刹一列、上香、

次向本尊列拜如常、東堂西堂、凡一百七十餘真、

僉云如龍象、尔時十誦僧入殿內立班、住持拙老

陞座為度三千大千沙界一切衆生說法。畢
下座向本尊燒香。季畢歸位。時維那始誦誑。大
衆同音諷誦者。凡一千餘僧。響天動地。延用和尚
引行道。次十誦僧。次五岳東堂西堂。以其位為次
第。聊不違規矩。行道半天華紛。亂墜。舉時瞻之
仰之。實後代羨談也。行道畢。導師就上間之橫置
休息。十誦僧五岳諸老。列上間西面。十刹西堂。列
下間之東面。皆以北為頭。於此引布施物次第。將
軍次關白。次太政大臣。三人此御布施者。導師出
而引之。是時從御殿有註進曰。若君御誕生。相公

御歡喜不尋常。而還御。即名若君。号寶幢若君。當
寺非齋相公御崇敬。特賜先帝數通官符。宜其詞
云。應免除伊勢大神宮役夫工米。日食米。造大裏
御襖。大嘗會以下。勅役院役。都鄙寺社之所役。及
國中段米。開米。恒例臨時課役等。又被止守護使
檢非違使。院宮諸司。甲乙人之乱入云々。老拙滅
後。寺院衆僧。外嚴戒律。內修禪定。以晨昏可專道
行。後主晚進。成飽眠。徒送日。或穢語諍論。必有長
無明者。此般漢。瞥喜瞥瞋。難得禁。如有小紛爭。則
各勸可令和合。猶長事。及相詈相打。則不分理。非

不論前功、兩俱可出院、為叢林之宗、以道聚頭、不
衆和合、則何者、須守寺哉、不可不慎、時至末法、則
邪道徒切貪莊園土貢、叢林迨日、可凋零、皆相議、
退非守寺院、無怠讀經誦咒、須專興隆精濟、至法
度者、幸有臨川家訓、三會遺誡、別莫立規繩、

龍湫和尚

師諱周澤、自號龍湫、以延慶元年戊申歲、生於甲
刈、姓武、甲氏、正和二年癸丑、師甫六歲、授于正覺
室、嘉慶二年戊辰、九月九日、師八十一歲、示寂于
西山壽寧院、師平日、不聽門人編年語錄、其徒竊
有編輯、師自炳之、以故不詳其行實、滅後中、頌首
座者、師從也、拾綴七會法語、号曰七會集、附船遣
大明、僧序之、又有頌集、号隨得、師世壽、或有
與普明國師同年之說、是傳疑矣、師六歲普明三
歲、同年月日、禮正覺為師、又八十一歲、普明七十

八歲同年遷化。故誤者在焉。塔在瑞龍者。曰慈聖。
門曰福聚海門。佛殿安觀音。曰不空王宮。不勤堂。
曰威王殿。方丈曰自持殿。室曰梅湖。曰艱拙。在西
山者。曰壽寧。山門曰允德山。室曰聽水軒。卵塔曰
鏡像。不安木像。開戶則翠竹一叢。檀栾矣。師夢傳
無準衣。翌日有人持衣來。一時諸老賀之。号曰應
夢衣。又傳得密菴竹篔。朝廷拜為國師。辭之。以
故追号正覺。而揭于龍山上。生院祖塔。又師開濃
之雲龍山大興寺。當供養日。天華乱墜。主山曰龍
珠峯。下于草創之日。龍含珠而出。師自以拄杖打

落而埋。故号焉。佛、授手祖、相傳。角立門庭。
應機說法。隨時闡化。惟務學者。死盡偷心。祛除邪
解。趨于實際之理地。真造乎甚深之奧域也。若秘
魔擎杖。俱胝豎指。德山逢人便棒。臨濟入門即喝。
紫胡看狗。趙州喫茶去。如吹毛劍。如大火聚。議擬
則喪身失命。有甚淺泊處。其他或曲施方便。不得
已。開第二令。初學之易入者。嘿而說。而嘿。非同
非異。無彼無此。如水之行乎澗壑。或因土石之所
留礙。其水性易嘗不流。如日月麗于天。縱被雲霧
之所障蔽。其日月之明。亦未始有虧矣。扶桑南禪。

龍湫澤禪師六坐道場七會說法宗風盛揚不虛
騁不假借惟一真實方便門中能死學者偷心深
造千奧域也與諸從上列祖用處何間焉固不忝
為徑山無準老漢五世的骨孫也句中有句名為
死句、中無句、名為活句、然此編非死句耶活句
那具擇法眼者看正統元年春正月初吉阿育王
山廣利禪寺住持順菴釋宗體原序 龍湫禪師
澤公其始生之也有異於常未出母胎髮齒已具
既出胎矣見者訝之輒指諸野經宿有黑白二神
大莫之所從來周旋衛護繇是後歸之迄長辭家

學佛入夢窓室僧臘既高出世為人坐大道場演
說法要開鑿人天弘持祖道大播宗風於閤堂之
日天散寶花續然而雨其國人靡不嚮化迄于今
入滅三十餘禩矣光明盛大猶可想見豈凡近所
能擬其萬一而所集之語為之後者將鉞梓以行
于世予既序之於前再求著語以題於後故書其
生緣出處際梗若是嘻何異畫蛇添足識者幸勿
誚焉

龍湫和尚七會說法處

甲列 乾德山惠林禪寺 靈龜山臨川禪寺 東山建

仁禪寺、濃列雲龍山大興禪寺、山城列瑞龍山太
平興國南禪寺、寺靈龜山天龍資聖禪寺、再住瑞
龍山南禪禪寺、

吉祥菴清谿和尚行實

師諱通徹字清谿天游表号也本貫相列人生三
浦望族始拜寒潭禪師為受業之師建仁開掛錫
壽福就侍客局後有以來寓洛中久雖有南遊之
志而無行李之資故依石屏干防列香積寺與衆
作息三載也俄附海船為綱狀所責船頗入大元
國瞻風撥草三十餘年掌藏鑰於双徑遂一舸指
東而還有神人鎮護之異所乘之舟遇暴風忽破
損師賀片板著無人之境忽有童子獻大如瓜雪
梨師嘗之三七日活命遂神人棹船送到人里云

終參正覺國師於龜山師以外記延之堅辭不就
以後無極和尚請居後板之位冬節秉拂為衆稱
羨矣不歷前板之級直赴甲之淨居寺國師付衣
法以表師資之義一香伸供艱而後致書於雲居
告受囑之信其書現在西芳精舍回錫於京師撫
陶川丈室坐拜淨智之帖又受建仁之聘榆不就
也三領天龍之公帖特降勅命住瑞龍山天相
公親賫台翰賜以紫衣師述偈謝之當世諸老唱
和多以裝作巨軸師平生不要塔庠偶壞其存者
治他荒廢之古寺單丁止住室無餘蓄自少年有

貧徹骨之稱文墨綺語得三昧於筆端師甫從十
八歲至臨寂之時每嗜修懺摩之法終無歇矣至
德二年十一月廿四日書遺偈曰五彩畫虛空
何有形容虛空乃萬象乃虛空世壽八十六
而終闍維于吉祥之塔廔拾其遺骨盡投洪河之
中沉蓋須遺教也畧記焉自贊曰如是不是討甚
巴鼻全身半身你底吾底無珪璋才寧要之乎者
也有虛空只吞却山河大地阿呵、雖相委平日
不知何所長只圖埋在微塵裡

綿谷猷禪師行狀

師諱周猷字綿谷以松鷗為齋名九歲入予師兄
大梁室大梁天龍典藏而遷居相國之十年實應
永二十一年癸巳予先師示寂之歲也先師在世
之日特命大梁為壽德看院予少小與大梁同序
故其徒亦皆相隨乙未歲且大梁在相國后板秉
拂己酉冬節前板秉拂皆與予偕在寮戊戌夏予
寓南京夏了大梁領公帖赴若列高成寺助化儀
者十餘輩時歲十四從焉開堂罷便歸京師居壽
德予又赴南京既而大梁亦南來與予同陪東大

寺番一律師誦席于時留在壽德至歲暮予與木
梁同歸是春歲中和尚再住相國遂遷鹿苑與予
同在其席下庚子歲予住相國東藏十五同在寮
焉翌年額名相國癸卯正月予為本寺寮元亦隨
在寮明年同回鹿苑是歲十九為大僧乙巳歲在
誠中和尚會下為侍容秋八月十四日本寺回祿
從予歸壽德冬節諸頭首秉拂以輪藏為法堂於
是勤書記秉拂問禪己酉歲大梁自等持寺首座
寮遷西山寶幢侍于左右有日矣庚戌夏予遷後
板寮亦隨之冬十二月十二日大梁亦寂西山大

慈與諸子同居心喪明年歸壽德永亨六年甲寅
夏了主于相國東藏將勤冬節秉拂時大明正使
而行者兩人以官命轉位東西藏是以俄退矣同
八年丙辰六月予遷前板秋八月出世景德相隨
侍衣明年丁巳秋遷等持亦為侍衣己未閏正月
二十三日與予同赴關東庚申四月十六日八坂
塔供養十高僧各有侍者為予隨侍同年秋予自
等持遷相國將侍衣而法眷一人幸在讓以此職
明年辛酉夏六月普廣相公俄薨矣夏了予散席
歸壽德命之居壽星癸亥夏予遷崇壽同在茲矣

及丙寅秋予回壽德留壽星冬十月予遷鹿苑又
仕侍衣明年秋予退居壽德翌年夏遷北山鹿苑
留之壽星翌年冬自北山歸壽德東軒壬申歲命
主千壽德亨德甲戌歲任寮元丙子春予再鹿苑
亦復侍衣丙寅春自鹿苑侍衣遷前板寮歲五十
三矣結夏秉拂已登座畢行者傳呼相公臨法會
故座上收拂待之既而台旆入堂坐于簾中於是
釣語問答到書記秉拂畢台駕出堂此相公臨秉
拂之始也退前板歸壽星蓋為表率者不可為侍
衣故也向退侍衣之後予以無其才闕此職恐有

怪者率住持之善不善係乎侍衣之賢不賢可不
慎乎今茲移壽德於寺內修造以下件與有切
焉丁卯歲領諸山公帖近時領諸山公帖者不必
臨其寺雖然居京師而不敢出頭經三十六箇月
為紀滿此時居壽星日為後生誦書甲申秋遷
京之等持入寺之日相公臨席先是滄兩連旬此
日快晴相公亦喜曰長老之幸也明年有頰望交
代者故不滿紀而退主千壽德丙戌冬官命以壽
德為慶雲院則雖易地改名而主則不勤也丁
亥秋京師大亂與予同客于北岩巖小庵明年遷

于高野有隣菴。終閱兩歲。又來于北岩。藏數間竹
屋。人不勝其夏。然一室獨坐。讀書自樂。壬辰二月
十九日。偶入城中訪諸友。二十一日。歸路脚力小
勞。憇于茶店。到晚歸來。無恙如常。廿二日晚間。困
卧。到夜深如眠而逝矣。少予者十五歲。何少者先
去。而老者尚留耶。予按其行業。永亨三年辛亥。侍
予西山。大慈時。連竺雲。退擢州廣巖。居于華巖。祖
堂。就習漢書。平日無所藏之本。且書且聞。兩年而
帝紀列傳。畢業矣。中年以來。間為後學講之。東西
諸刹。讀此書者少。大岳和尚常講此書。聞者不為

少。然相兼而讀者。竺雲一人。介就竺雲而學者。亦
多矣。今亦一人也。為人師難哉。少小就予友川江
心。聞韓文。就江西。聞柳文。皆數年而畢矣。又寓八
坂小菴。聞甲一書記者。講易。予為付易本。此乃予
俗叔一心性菴主所持。未有類實田玄會法印記
實。可為珍者也。蘓黃詩。聞予講者數矣。特以予坡
詩本授之。予三十歲。母亡矣。乏于葬事。故所藏書
皆賣與于人。就中留兩三本。今所授蘓詩。其一也。
予十五歲。侍先師於崇壽。初聞椿齡中講坡詩。第
一者。總數紙耳。從此有欲學此詩之志。然不得其

師焉二十四歲聞巖中和尚居大智義公命為珍
寶山誦之自末而始矣此時初得此本每紙上下
寫顧氏趙氏註及自餘故事者也杜詩亦聞予誦
近年就友人借記江西誦義者寫之將為同居諸
少誦而不果焉双桂甫翁垂七十讀坡詩不許衆
人陪席始于二十五而到第一之日予謂之日一
代無雙名師之誦雖一兩回而聞之則豈非異日
嘉話耶携之同行陪于席末翁遂作松鴉齋詩而
付之至于佛書則聞予誦楞嚴圓覺者各五矣以
至法華梵網金剛心經五蘭盆起信論等皆聞予

誦焉常謂予曰其於佛經祖錄未得如留心於外
典寶宿緣之淺也云々前年取予所寫法華諸解
去看之蓋擇好者抄之也去冬予就海藏門下借
濟北集二十卷來予未見之前取去看之今年二
月十一日自持來還之因曰此集中有通衡料何
義蓋取於論衡之義半余只以為取於權衡尔然
引論衡為寂可也大抵讀書精於義古人詩句雖
難解者不敢容易讀過每與予商量此方前輩
中每見雙桂詩為必可有妙意而再三翫味間得
其意焉予曾讀書畧抄一二名之以刻楮集予所

抄者亦抄之。然能節其要而細字楷書，便自校讎。令人便於觀覽也。予又借他書，不可久焉，則分之。名抄，如陸放翁入蜀記是也。見于刻楮集中。令名欠其半焉。自少至老，其勤于學如是矣。曾以近作十餘篇，就播心田，求潤色。余來屢推獎焉。一日謂予曰：何不令緹歲生製四六耶？予曰：平生多病，不可令之勞肝肺也。此言亦有由矣。予少志學，苟有所作，必就或天章求。是正天章，我嗜讀書，每有勤^勤四六者，然以多病辭之。又曰：以四六為業，頗似好名者。每製一疏，袖藁謁諸老門，此亦

所不堪也。云云。故予於心申云：余天章居西山保宗院，閉門謝絕賓用，然隨予同謁，未嘗麾之。予贊孟東野詩，有聖主息波，終半俸，投金瀨畔，因沙塵之句。天章以近一荷枷，為此句批語。予未解而能解之。天章聞此，為聰明，遂以自撰梅城錄副本付之。永亨之初，三條內大臣招予私第，意在讀坡詩。予謂金言以不親近國王子大臣官長為誠。縱誦佛書，猶為不可。何況外典乎？然大臣為普廣相公外戚，而天下無不畏其威，辭之如何？首鼠兩端之頃，勸予不忝其招。予今深感之，允為已所主者作。

忘世之謀則以與權貴相親為助人情之常也然
能反常愛予之深矣庚辰歲予退鹿苑之後諸刹
住持之選大抵屬于隕涼隕涼欲舉之等持已為
舊交又為予同門其才亦足用然望者太多頗勞
思惟予知之謂隕涼曰不必等持惟餘寺虛席者
授其位可也予居鹿苑五年舉在等持者皆五六
年前兼公命出舉書者也今告於隕涼之意所以
知其難得也隕涼尚欲遂初志而當住持未退以
前稟之府君蓋為停餘人望也等持已為官寺而
為十刹首主此寺者每以遷相國為例宜哉爭者

不已遂住此寺實得於不求也丙戌歲製造高麗
書亂後又有可製高麗報書之命再三辭之此時
傳高麗書者東福門下僧也故華岳和尚寄書勸
之而不聽焉庚寅歲又有此命辭之如前然宋歲
首座出入府中約以自今後不可以此事煩而重
督之迫于不獲已從命此雖細事出於讓讓又不
好名一端也兩書載之予國室託容簷夜話之次
謂予曰干戈以來五山崩壞佛法拂地經眼觸耳
之事無一不寒心然自為則未深憂之相國若在
則萬一以為等持前住有住持命乎如某福惠二

俱不足。然一命再命，已出於不意。至于三命，亦恐不免乎。向來竊息之，則胸次不穩。令寺既灰矣，其忘心亦灰矣。豈不快乎。予咲曰：此太早計。然所貴不為利也。進取在於求利，退藏在不求利。求利之心易得，不求利之心難得。難之心，苟不著力，則臨時為利欲所奪，子用心亦深哉。與予為法門叔姪，如二井露者，共不可企及。惟五梅溪以師第勇退者，為僧中二踈其庶乎。蓋退藏不求利，豈非二踈知足不辱之遺意也耶。此皆不汲汲於出世，可觀也。矧平生無一人徒第，亦此心矣。示寂之後，一二

朋友來吊曰：相國再造之日，選住持則必中其選，可惜。予舉向所謂夜話對之壽頭侍者，令寫厥像請贊，則未得之。且記出處顛末，畢記畢視之，則大半予出處也。將改之，然六十年隨予，如影於形。形若除之，則影亦安在哉。兩人出處并在一狀中，未為害耳。文明四年，龍集壬辰八月，即雲八十二。老衲周鳳書于北岩巖慈雲菴西軒。

橫川

景三 字橫川 永享元年己酉歲誕生 年四歲授業
叟師叔之室為童 到三十歲奉師叔命而艱於龍
淵師兄之手而遂拜先師頂相代而嗣焉 適當先
師三十三回忌之日也 或曰故曰景三 應仁丁亥
歲寺燬於兵矣 因茲僑居於江之山上 飯高山小
倉氏之室 源公為楯一小菴 扁曰識序 允經寒温
六年 文明四年壬辰 自江歸洛 居於樵雲之窟 寢
而寓筆硯於永德者數月 遂祖塔側 乞故慶雲之
地 楯斗室 今小補是也 八年乙未 四十七歲 十二

月望領景德帖十一年戊戌五十歲四月廿三日
入寺千等持十三年庚子五十二歲領相國帖十
七年己巳五十七歲四月廿一日視篆千相國當
時尊宿作疏山門勝鬘桃源諸山常在蘭坡道舊
靈泉正宗同門三會用翁江湖友社大昌天隱各
疏成而村菴跋卷後歎羨之可謂一時盛事也長
享元年丁未五十九歲十一月廿一日義政相公
賜龍山帖并金襴衣預修陞座寶明應二年癸丑
六十五歲十一月十七日示寂于小補正寢別号
曰補菴集曰京華十共村菴所命也避亂於江列

之日、續仍若干首、名曰東遊集、又有閨門集

